

榮

性

堂

集

榮性堂集卷十五

吳縣吳俊曇繡

古今體詩

弄檄赴西粵軍管留別寅僚和莊胥園廉訪送行原韻

萬里特柯一羽翰  
鍔衣試着路人看  
書生敢謂平蠻易  
幕府深虞轉餉難  
祖席舞花剛爛漫  
征帆拂樹得輕安  
故人四韻珍朋錫  
爲遲秋風載戢干

鬼方底用伐三年  
生縛僑如理必然  
多媿終軍詞氣壯  
幸依武庫甲兵便  
妻孥暗卜郵程近  
士馬驍趨羽檄宣  
僚佐森森競維繫  
一聲畫角戍樓前

過肇慶包觀察留飲於閱江樓

雨洗狎柯水拍天日銜龜頂草如烟  
暫停帆檝從君飲故遣風花爲我妍  
幕府羽書催火急征夫厨具托郵傳  
北隄拓處星巖拱細吐青光七點圓

愛君爲政靜而和閣部無聞澤暫歌  
綽有新詩磨鶴硯亟

誅劇盜靖鯨波

近獲海陵大盜數十名

風涼祖席瓜蔬美酒入晴樓

杯筵多卜我歸期在秋早會看洗甲挽天河

過德慶州示署牧朱溶

端山出泉由溪達江孤城斗大雖陋而邦疇實牧此健者  
朱雲文章馬稍揮霍紛紜初非其官借錦使製眉閒精悍  
千鎔淬試州北之山伏戎與虎州南之水匪夷伊怒自爾

之來不聞脍餽估客坦行邏船尾接設巡船上下邏察晝夜不息半年來商旅  
安譬諸搏兔全力注之牛刀雞割聊用莞而

蒼梧

羣山左股水右肱落日射壁江光升天文牛女分野濶地

志交廣春秋徵我官於粵六過此勾當草草詩未能茲來

縣令刺舩接到郭不見守與丞署縣事經歷高廷樞來接知府王友蓮同知張大海

俱以公幹出出師六月豈得已挽粟千里將不勝丁男襁纒露

胼蹠潢潦奔溢吞匡陵魴魚之尾良可惻無衣之甲碎用

興帆檣樓櫓互隱現林鴉戍鼓相呼磨火山夜火有無耳

繫龍草樹烟鬚髻作詩丁寧告賢宰民力可用不可仍

藤縣用東坡先生藤州江下夜起對月贈邵道士韻

鐔溪水如刀飲之淬心肝藤州城似斗細路蛇蚓盤我憐  
黃頭兒赤脚踏急湍前尻壓後睢窗坎不暇看而我倚篷  
坐西風送朝寒耳目暨閑曠意與栖鷺安摩抄雙鶴研清  
露瓜瓢溲新作二端石研携以自隨是中出新句墨灑江漲漫道士不  
可見林禽弄幽彈緬懷儋耳客扁舟下空灘

贈藤縣令張

潯

江月山雲與客親都無瘴毒有清新今朝令尹能貽酒不  
見浮金醉臥人

平南寄內

颿飽風酣喜快晴草香沙淨濯吾纓

縣有濯纓亭

似聞新息征

蠻鼓急檄文成破峽兵夾岍鷓鴣喧午睡渡溪敲鯨罷春

畔相思洲下相思水寄我相思到穗城

黔苗之亂制府先後檄調東粵兵四千九百餘名赴西隆等處會剿肇慶其要衝也包觀察奉檄彈壓征兵出境數百里內水陸晏如以舟行西江詩見示輒和之

導川四載神禹疲橈櫟不到隨其宜牂牁來自夜郎國東奔一幹收羣支狂龍飛舞雙峽束怒虎蹲伏千篙施西鄰礪峒報賊警大帥十日營三移五千組練發朱夏荔子火灼桷繁枝自雍及絳五百里茫茫沮澤兼陵陂使君裘帶致輕緩青山拱揖川貢姿銜枚已看衽席過裹帶更以扉屨隨黑雲隕岸白波捲霹靂淬斧金蛇馳中流擊楫自整

暇指撓小卒搖瓜皮雷收雨霽蟬見落日遠岫虧蔽之  
胡床箕踞亟磨墨口占屢叱胥腕遲馮河暴虎子不與當  
今此事更屬誰君詩七字澀難讀中有陰符人不知

和包觀察西江舟中大言

梳頭調息是吾禪一任扁舟水拍天看飽鬱林差有福夢  
諳都嶠豈無緣

昨夢遊都嶠山都嶠在容縣身未經也

長飈捲暑青虹外急

雨催詩紫電邊安得脫離風水火妄心退盡便成僊

脫離風水

中原詩中語

又和包觀察五言

熱生與生熱深淺會有時無窮不聞見誰得搖撼之躋陵  
而喪貝勿逐七日期金花伴朱雀坎澤填離曦奔驥不爲

疾病牛不爲遲在師有左次出律須衆咨兵法避天忌風  
角能先知大畜不家食三復三爻辭

潯州

落日江心戰鼓搥

黔鬱水合處爲銅鼓灘數里外聲聞如雷

亂山合處獠人家

當年三十六巢賊終古羅叢諸洞霞挽粟二千勞里甲過

兵半萬殺村獍相逢太守殷勤語莫放枯藤復長芽

大藤峽有

藤十餘圍橫江而生明成化間羅浚等洞三十六巢賊緣藤而渡以逼於龍山八寨韓襄毅統兵剿之砍其藤易爲峽

自桂平至貴縣二百二十里風水相搏舟行甚艱作

詩贈范陳二君

范三橋嘯直齋俱蘇州人我幕客也俱好數學

左援公孝右孟博我居其間嘯且諾

東坡送曾仲錫通判如京師詩云左援公



孝右孟博我居其間嘯且  
誰以其語湊泊故竊用之

丹鉛辛苦遁甲書鄭竈多言魯

慎鑿籃輿與我度崑崙扁舟偕子下潞溲友朋而有昆季

情三人占聽二人度青蔬白飯養瞿曇无妄之疾喜勿藥

三橋斷葦而多病距踊曲踊好身手時時拔劍向地斫直齋頗習拳擊及劍

稍之我觀二子盡奇士豈有鶴鳴縻好爵隨我六月來從

軍關心垤鶴與風鵲池魚爛爲城門災邯鄲圍詬魯酒薄

黔苗逸入西塲雖有紅水一江不能限也而微調遂紛然矣我辱安得破賊謀執言賴

有丈人托五千組練飛樓船三萬芻糧費滕屨何以束之

信與誠殺牛而祭不如禴今朝雨緊風力斜我與二子冥

想各濛濛山木聞鉤朝滑滑草泥憐郭索緯夫行草泥中

其苦蒼茫二十四峯尖貴縣南山有一片隕雲漏日脚

夜泊四更江水大漲

夜檣泊渚記沙痕纜繫牂牯穩客魂一枕低昂燈寂寞滿  
船呼叫月傾翻石鱗偃伏尋無處竹箭橫斜捲不存此水  
故爲百粵長公然雲夢氣全吞

自貴縣登陸夜行至覃塘

雨行貽誚夜行伺一劍同仇感慨多新月低銜陸續壘暑  
程急避馬援波若由貴縣游江而行則伏波難險水村犢

返家家掩草泊鼃肥各各歌二十四峯舊相識八年日月

去騰梭

乾隆五十四五年隨福文襄王赴鎮南  
關區處安南事宜曾兩次取道於此

道中端午寄兒子慈鶴

我家鶴市接虎邱一別二十四端午余宦游二十四年矣兒時先子

攜我游總角，卯兮佩艾虎。當時人目千里駒，那料而今成  
棧。鴛鴦聰明退盡癡，鈍來萬事與人動齟齬。十年賞遍韋杜  
花，一匏漬透桃榔雨。欲歸不得無奈何，今朝復蹋領方土。  
是日到賓州。州為漢領方縣地。但看赤足裹宿糲，那有堆盤餽角黍。 役夫俱赤脚裹極村集城市，中亦無有賣角黍者。 空思短簿倚青山，安石榴開沸簫鼓。  
作詩寄與鶴也，和應爲阿翁賦靡盬。

賓州驛館夜雨寄內

黑雲捲雨舞長空，四角簷楹簸撼中。洗足獨眠涼灑簟，攬  
衣亟起暗蒙蟲。模糊不見相思嶺，寂寞遙憐萬里蓬。卜我  
刀鐙在，何日秋河耿耿洗瑠弓。

思隴驛

陰陰薜荔雨戢戢，柵風湍洶沙觜。嚙路斷村，約通八年。

五過此昔壯，今成翁。青山依舊好，修竹窈窕叢。興儻尚識。

我俎豆當祀公。

謂福郡王

驛庭孤鐵樹，綠萼駢青銅。

驛館鍊樹一株從來

未花今歲忽開兩朵大如椀青綠色瓣細而堅如其幹捫之如及不可觸

生氣擢凜凜，冷燄騰。

熊熊韜闕可千古，黠綴勞天工。觀者日雜，選氓者與孺童。使君暫至止，僮事娛。雙瞳憑欄三歎息，點筆停驂驄。

### 思恩府宿太守署

醜怪老榕百股，摻森梢野竹。萬夫修不逢，太守崔河北。守太

崔景儀永濟人由翰林山出守頃以軍興在百色勾當

長揖叅軍陳太邱。

經歷陳若蘭安徽人俄

頃焚香清似水，低迷聽雨颯如秋。馭蒙一夜江應漲，併入

祥判浩不收。

道中作

在漢交趾地儂酋曾據擾蒼茫鎮鄒山插漢青未了馱蒙  
何潺潺一雨瀾自倒太守二千石年來食不飽所部二長

官

田州上知州  
陽萬土州判

貧復不自保有道守四夷斯語是至寶半

亡不可求牢破補應早西隣古礪峒猝被賊火燎徵兵已  
萬餘羽檄逐飛鳥邕州處其衝負戴及童老戶稀不滿百  
城小僅如堡茅屋支榕根官廨莽竹篠雖未逢魅魍已自  
眩頭腦道上見里胥奔走似驚獮手持一紙符足沒三尺  
澇不知欲何云長跪顏色槁睹之心惻然疾書不屬藁

驛路爲驟潦所浸欲行輒止

黃昏灌木呼鳴鴉城頭濕鼓沉麗譙床床漏屋酒懸縷戶

戶搬竈風捲茅聞雞僕夫起告旦遮馬邏卒泥沒腰狂奔  
千隴舞澎湃屈注萬壑翻盆瓢靈犀僵伏老蛟怒蜥蜴吞  
吐沙蜮驕戒塗月正逮剛卯占星歲乃淫元枵役煩驟苦  
草屨貴農病復歎禾秧漂我心如焚不接浙習坎之險來  
崇朝鑊鄒山高莽雲霧馱蒙江豁散葑蕀蠻方景物足醜  
恠征夫魂夢紛鬱陶曳輪濡尾古有戒邇如不進其乘橈

宿那馬

茅屋炊菰雨後煙長松掛壁石淙濺土官供我無多物滿  
汲山腰瓔珞泉

水各東西怒作湍村無名字夏猶寒此中別有閑雞犬三  
百年來祀伯安

入土司境所見皆荒陋而山沓水匝禽號蟲吟頗娛

聽眺輒賦

青茅碧瘴土司田有戍無兵隻堠偏身入旋去聲螺迷左右

命懸羸馬凜危顛亂峯四合儂僮壘狂潦東浮下瀨船無水

不歸大江卽無滴不下東粵荒徼何曾置里鼓問程六百殆盈千自思恩至

百色驛程六百里而紆折崎嶇實則殆近千里

順山驛館無燭而有月徘徊中夜浩然成咏

亂峯爭擁一輪明翻惱人問煙火生竹影倒窓紛荇藻蟲

吟欺枕澀筭笙樊東殼餽眠還飼驛隣民舍牛欄嶺脊於菟闕莫

櫻驛外虎攫民豕羣嘯而逐之越澗怒哮而去荒寂境中心炯炯底須更覓短

長檠

白山土巡檢王

言紀

其始祖青隨狄武襄征儂智高

有功授爲丹良堡土舍十三世孫受隨王文成平

思田苗以功升堡爲司授白山土巡檢世職三十

六世而至言紀

烏衣舊苗裔卅六葉蟬聯風雨崑崙夜山川皇祐年版圖  
稽勝國撻伐紀思田辦賊謀潛定甄勞賞徧延陪敦益戎  
索冠帶儼勲員堡自丹良古官從土舍遷草萊除鞠茂魍  
魅罔逢旃媿媿稱家世茫茫考志編論封逾百里葺館有  
三椽地輿松栢潤泉清蔬菜鮮拾薪炊未晚執版拜殊虔  
努力爲東道民劬莫更殷

涼水井驛

在土上  
林縣



松葉布爲幄衫皮縫作垣道有病暍者匍匐窺井晉  
土縣不城郭山驛埋荆榛鬼燐夜明滅虎跡朝縱橫

土田州婪鳳驛

濕雲捲盡火雲斑馬首疑堆六詔山

山形絕似滇南

一昔舊游真

夢寐半生好句出問關大夫旆影悠悠去候吏鞭絲得得

還婪鳳驛中夜談虎

地多虎

月明庭際落孱顏

宿田州土知州署純篤堂勉岑

煜

異域苑真革褻還

父宜棟乾隆五十四年陣亡於安南煜兄弟物色得之輒歸以葬

三江

戰苦陣雲殷子孫官假二千石

乾隆三十六年宜棟以隨剿大鳴山賊賞給知府職

志乘疆誇一萬山

州西有萬山綿亘二百餘里

奄有土田非蕞爾

地土

廣世留名字在羣巒亭顏嘉樂

在西旱豈坡共遠祖所建

堂純篤如此

人家忠孝閒

百色

山髡水復赭草木遭蒸烹火雲卓朱蓋罩此斗大城我行  
冒溽暑載驟心怵怵足熱解鞋系頭汗憎冠纓或言此火  
宅硫磺灼溝阬一雨山骨沐熏毒流縱橫飲之損人壽淳  
之膩不清連檣艤市舶貨薄錢則輕厥利入僑籍土著不  
得爭日日兵馬過數數賦役并老翁走蹙躄弱丁啼僮僮  
衙吏號虎闔里甲勞魴頰節氣過芒種礲确方犁耕十牛  
九將子且哺而且行過時歎不穫何以贍我生觀之心慘  
怛不能已徂征堂堂大司馬兩手握萬兵雷霆淬精銳耳  
目開聰明要當蔡州襲勿作楚幕偵滅此遂朝食卷旆敲

金鉦壺篋寶漿食千里甯黎迎

潞城驛夜

驛靜更嚴刁斗鳴踈星掛樹月縱橫山形漸自西林縱始

西林縣境雲氣遙連礪峒平牲酒里巫工賽廟地有將軍廟詢

其爲何神也鉦聲村甲儼屯營各處練募土勇防守卡隘悠悠旌旆駸駸

清淺馭娘河好洗兵

舊州新月

天矮碧山高新蟾嚙戰袍同時照兒女流影濯弓刀螢入

馭娘沒妖屯棒鮓鬻縱然非出塞風色似臨洮

舊州夜雨

昨夜月如鈎磨刀鳴咽流今夜雨如縷伏邏前山陬雞號

更五點鼓濕播千枹號令寂於水牛馬冷若秋菰心照耿  
耿一劍光幽幽毛錐辦殺賊無衣賦同仇天河傾向曙畫  
角亮起樓隕雲擁墨嶂遠瀑飛怒虬部勒自有法庚癸不  
用愁師中丈人吉天上蚩尤收鄭賸狡長狄鬼方劃鴻溝  
黔苗倚紅水江爲險便爲木罌渡試目智井搜狂魔竄何處 皇旅  
汔可休馭娘一尺水來去千兜鍪

營眺

百雉孤城積翠閉鐵衣橫槩看含山斷垣妖火宵焚廟列  
帳樵蘇晝啓關聞道偏師多斬馘可憐荒谷走憚鰥黃昏  
月吐星如雨歷歷櫓槍墮地頑

西隆漫賦

徑仄城尖刁斗危  
猺奴椎髻見人疑  
一州六甲半爲賊

五月千山日過師  
授爾牛羊不知牧  
阿藁賊龍登連偪亂由  
於地方官撫緝無狀

轉茲囊橐敢言疲  
輒以艱於  
運糧爲言暑風守堞兵良渴  
守城兵四  
百名晝夜

不離  
共聚賴有清泉一勺滋  
有泉遠城  
汲飲殊便

官兵攻殺者浪賊匪

白衣搖扇狗狐羣  
一線羊腸路入雲  
千帳夜環生吉甫  
偏

師晨縛僞將軍  
獲其僞將  
軍一人縱營諸窟寧  
藏魏彼狡三如已

獲焚旦晚渡江先  
拔幟櫓槍橫掃隕  
紛紛

首逆龍登連倡衆  
猥爲亂燒村攻城  
凡三月矣今以

計獲之將送闕下

千百狐狗羣散跳  
巖與谷衆醜戴其  
長篝火以雞卜骨  
非

專車僑角挺奔林鹿儂也訛爲龍厥媪本妖族

該酋實姓儂乃智高

之遺孽訛作龍也智高之母阿儂狡誦多智

遺臭千餘年復爲猓獾服西隆僅

六甲四甲莽有伏而彼據一亭窟穴滿虺蝮望城而噴沙

入村乃掠畜誅則不勝誅毒且攻以毒誘魏來入罟捕蠹

及當轂弱子啼僮俛醜妻走縮胸檻車致社伴鈇鉞候

廷鞠飛章吉語馳露布萬口讀行將伐鬼方移旆紅水隩

紅水江

黑夜踰崑崙斯烈庶幾續

官兵遇賊於者藏山溝余所帶所養卒蔡富芝身中

二石用長矛刺殺一賊割其首級未收兵而先歸

賞之而復鞭之

官兵一千人猝當三百賊趨險覆遇覆

官兵設伏賊亦有伏

入奔一

與一軍中佩解首獻級待戰畢未金而先歸不啻臨陣逸  
其志在徼賞厥罪爲犯律賞以錙一餅罰以鞭百扶丁寧  
告堯鑿否臧視所帥

西隆州廨紫薇盛開

瘴鄉嘉植蔭軒扉桐閣涼新綻紫薇一昔鳳凰池上夢千  
山金碧雨餘暉游絲舞畫縈紗幌晴燄燒空照鐵衣猶憶  
月明 綸閣地相將雞樹影依稀

立秋日者浪剿賊焚其一營十三寨

初日杲杲朱雀翻魚麗偏伍靜不喧當風蟲吟未晞露遶  
坂犢駭紛瀾藩山形肖螺左右旋賊氣如布礫裂奔箐中  
狡狒盡驚避崖巔蜂蟻仍聚屯僞巢當關斷劍閣左廣奪

幟登崑崙

黎將穆克登布帶兵先奪其營

組練四百復繼進

副都統和星額帶兵四百

如風而進

大纛五丈乃後擗

制府吉公領三百卒壓其後

妖人搖旗出復沒

羣賊弄霧吐更吞疾雷破岡巨礮發飛電繞嶺金蛇蜿神  
焦鬼爛狐兔嚇風乾氛斂草木髡屍僵股臂落坑谷窟臭  
羹沸蒸燉溷種稂莠黍腊蕞糝豬豶雞犬獬犴健旣焚其  
聚奪彼魄爰整我旅營於原嶽生吉甫非好殺火爰崑石  
有誓言庶幾來降我撫爾清風霏雨洗陸渾

西隆新月

一灣低掛潘尙書

王建軍中隱語弓曰潘尙書

影入杯底足怖余粵西

西際犵狁國兵氣未戢清秋初家家閉門卜雞卦處處篝  
火燒山畚亂後更怯風露緊戰場但見草木踈一更啾啾



聽鬼哭萬帳寂寂巡周陸悍馬長槩自豪健赦降殺叛無  
躊躇角聲斷續柝聲起將星明亮妖星除詰朝便爲木罌  
渡還凱再弄新蟾蜍

題鶴兒詩

生兒不願太聰明偏爾聰明過乃兄不學石郎洗廁愛  
拈金粉仿蘭成

坡翁度嶺過兒隨今我軍中讀爾詩不負當年花醜面祝  
伊能作白螯碑

含山寨率史

藻邵志望

散撫卹銀

史爲廣東瓊州同知邵爲西隆知州

今署新寧知縣  
俱檄調來營

肩擔腰鑣穿棘荆婦勤男惰走僮儻畏官爭似畏亭長

西隆

六甲甲有亭亭有保正卽亭長也保正俱供賊還來供甲  
大猾魚肉民保莫敢誰何幾成積重之勢  
含山附近州城當賊傳城時寨得免於焚掠者蓋  
兵嘗以牛酒柴米供賊及官兵來則又壺箠道矣

已消陰沴氣茅檐難免怨咨情可憐戶戶如懸罄亟予朱

提半兩贏

每戶給銀六錢

軍中七夕

河漢無聲月不輝家書珍重寄當歸欲將天上支機石來  
擣軍中萬鐵衣

兵向天河亟洗來四山風雨劇喧豗夢中兒女陳瓜果半  
在蘇臺半越臺

移營

蒼莽龍蛇歲崢嶸戰伐年鼓鼙思將帥關嶺切風煙密邇

羅施國荒蕪礪峒田師貞丈人吉不必問龜筮

秉鉞周方叔連營漢亞夫不須矜七戰已自列千俘善後  
除亭長訛言縛里巫何曾京觀築一路有篋壺

侵曉角聲起俄看萬竈炊馬嘶林月沒甲卷嶺雲移狻猊  
爭迎羸豸獮已散陂一軍盡君子舉步卽魚麗

舊州又見新月

又見一痕懸秋風在鴈前義聲能活命兵法戒殲旃笛異  
羌渾調溝非嗚咽泉書生也橫槊此地兩初弦

吉制府贈裘

一襲溫逾挾纊多鐵衣與襯素絲絀秋風萬帳初聞遠落  
月千峯穩枕戈緩帶自紆平寇策煖裝齊唱破蠻歌

是日  
廣東

征兵棉衣六千  
領齊解到營  
書生擐甲尋常事  
勛我羔羊義細摩

### 移營八渡

秦晉河作界黔粵江爲溝  
已平礪峒賊移討羅施酋  
六千號君子八渡凌清秋  
馬鳴自蕭蕭旆旌何悠悠  
魚麗列偏伍雞肋防干擲  
彼岸有伏莽猛灘奔駭蚪  
舳艫無所用木罌難可投  
庶幾桴與筏渡我貌與貅  
兵法貴神速戰勝在老謀  
堅壁不可動處女何其幽  
夜靜星歷歷河漢西南流  
七月二十七日官兵曉渡  
紅水江黔苗據山拒守我  
兵三路仰攻剿殺無算奪  
其梁高下連屬劄十三

### 營

曉來雲氣似旌旗  
一萬貔貅聽指揮  
彼醜狡爲隔江守  
我

兵能作破空飛危岡千仞熊熊燄

官兵一上山梁焚燔賊寨數十座巖谷盡赤

駭浪中流齒齒機瞥見蜚弧摩絕頂十三營裏甲光輝

七格持紅旗首先捨上最高山梁衆軍隨之畢登

昨夜妖狐篝火鳴機槍如雨隕縱橫不須宵謀窺鳥幕早已全軍渡木罍濟險定知神翊助列俘無異鬼僮儻此行底用三年伐去及先庚返後庚

苗情兩面蓄狐疑山號和平

過江卽係和平山

實險巖嶂自拒撐

難宥爾鹿斯鋌走孰驅之採風大抵室如磬問政吁嗟谷

有雍

黠苗頑蠢同於粵苗地方有司村循無術加以把事頭人剝削禍斯作矣

一路投戈爭乞

命由來干羽格三危

天潢統旅武維揚薄伐何慚召與方帶水不關戎馬足柳

營飽裹士夫糧大旗落落招降字堅壁森森制勝行聞道  
黔師急庚癸麥舟應爲汎于囊

劄營板蚌賊自山後突至官兵二千人間道擊之

過江無百里山勢猛插漢誰歟湍使黔壁立如積炭板蚌  
名字乖聲意兩難按後巘森列屏前岡儼橫案眇左青龍  
蜿睇右白虎悍魚麗密彌縫蝥弧卓燦爛稍稍營市喧縷  
縷煙竈爨賊從山後來我已幄中算間道急擊之巨礮倒  
絕岸禽駭而獸奔割耳復截脣桓桓和將軍乃我一軍冠  
上馬雞初鳴解甲日未盱衆皆壁上觀行不曲梁亂由來  
整以暇能令賊心憚

板堦營中曉起俯視山腰雲氣

仰之終日歎彌高不覺身居千仞臯

札營在千仞平岡之  
上仰視尙有高數倍

者則絕巘  
不可登也

脚底蓬鬆霏軟絮林端滑笏瀉銀濤氤氳俄頃

濃如許捉搦虛無逝不遭

命僅以盒就雲中合之以爲蓬  
勃其中矣及啓視則空無所有

造化文章忒奇詭不孤怡悅有同袍

苗人送酒

髻椎鞠臙解承筐分與諸軍一勺嘗器不中陶殊磊落酒  
雖非旨也辛香人經亂後顏猶槁兵欲銷時氣益光捧獻  
殷勤情不惡誰爲痛定洗深創

辛未軍營風雨

此地有塘汎乾隆  
辛未年設故名

黔本古滯天我來值晴昊陂陵與坂隰縱馬四蹄燥賊能  
飛狷奔我作巨霆掃渡江無斥堠線路沒蓬葆林乾祝融

驕烽起木客噪駐軍辛未塘箕畢互掀攬令嚴更點明帳  
偃旗竿矯沉靜君子軍翻瀾記室藁天河傾洗戈風伯馳  
捲旒蒼山壓頂高奔澗繞脚倒丈人今吉甫司命我范老  
詰朝整旗鼓誓戒躡禾稻不殺乃是武恤難以爲寶前軍  
抵冊亭初日出杲杲

### 粵兵收復冊亭

城也乃夷名

冊亭苗語也

取義在何許蕞爾僻陋區畧似附庸

鄙設官貳其長

冊亭州同

來者慶仕廡其實室罄懸見石不見

土竹柵與杉寮人畜共一戶喁噓而僮俤槃瓠是厥祖疾

走千仞崖競考五石鼓

苗寨中多蓄銅鼓大可容五石

擾馴得其道今豈

不若古云何五甲半

冊亭所轄地方割永豐之五甲半

羣起恣殺據裂毗



讎客民

江廣客民在苗境質易牟利暗中剝削特甚

刻骨恨官府詭言降囊仙

王氏未嫁女衆苗推之爲首

不食亦不語謂能禍福人早別翁與姥高

置三層樓明璫映翠羽剪紙以爲兵撒穀便如雨所居名

洞洒巖壑邃且阻毀鋤鑄刀矛伐竹造箭弩蜂蟻千百屯

蛇蝎腥臭聚今年月孟春窺此孤城堵百人舉一梯高欲

並樓櫓妖氛翳晴空毒燄煽村鄔同知州事誰白皙殊不

武

州同曾艾

焚糜括斗升塞竇索覈無力盡城亦頽死者殆萬

數髑髏互拄撐壇壝莽蒿萋紅芙照白骨幽慄轉媚嫵

過地生芙蓉覺有逼人鬼氣

我隨幕府來登陟不可睹徘徊弔女牆躑

躑問老艾苗田瘠不腴苗性蠢而鹵深耕口僅餬抱布衣

尙縷衙門多爪牙城社踞狐鼠里胥貪如狼把事

每甲每亭各有

把事闕似虎擇肥而噬人餘肉啖所主主者稍磨腹耳聾目  
亦瞽禁苗不識書黑白恣文舞峻苗交構爭勾攝便婪取  
保正蝕官倉勺合苗代補保正娶新婦牛豕苗是與賦陌  
勤取阡租斗橫收黼下瘁上更股淵竭魚斯怒作孽所必  
誅定亂貴亟撫彈丸册亭城鳩聚事旁午

回軍至板堦大饗將校

草涼沙淨午風乾萬竈周陔偃翠巒解甲渴爭河朔飲數  
創袒列帳前看蒼頭擊劍競爲壽猗子搥鼙轟自謹降猗以歌  
戲舞爲千口肥牛百壺酒令公非范亦非韓

板嶧大雨

天公遣雨洗兵來徹夜鏗訇走壑雷已報前茅趨八渡緩

教後勁發三臺

紅水江北粵兵所過以八渡爲頭臺板嶼爲二臺板集爲三臺通至大坡脚七臺而

止凱旋兵分隊緩頰而行至板嶼口後軍尚在三臺前軍則已趨八渡所以防意外之警且以搜餘孽撫降寨也

煙中濕火燒殘葉劫後新茨墜舊灰明發悠悠旆旌去江紅如琥浪如堆

渡紅水江

援鄰恤難爲義師討曰天討 天命之惟 帝咨我粵大帥爾境旣廓往勿遲先得賊者受上賞餘則剿撫隨所施册亨與粵路差近宜以銳旅先取斯我師渡江三十日與賊五戰五出奇能以少許勝多許還用大信蠲小疑降人叛人不殊族降則受爾叛則夷自江以北二百里勢之所到竹破隨收取册亨付黔帥大犒五日千牛椎回軍容與

唱饒凱交龍素帛元戎麾男婦數萬望羅拜不聞何語惟  
涕洟我室伊好稼實粒我牛伊腩羊來思予我餅金未經  
見易粟乃得百日炊豈惟不焚與不掠父我母我恤我私  
來時只愁雞犬盡去後轉恐狼虎欺畏保正把事等也爭牽羆豹  
擔米酒叩馬必欲終厥辭前軍已發後軍續西風獵獵招  
搖旗帥從馬上三撫慰追送百里紛奔馳今將渡江勢未  
已令公名字黔天垂回紇亦有大人兆南詔自愛諸葛碑  
中孚豚魚尚可格何況顛趾槃瓠爲江邊青山高萬仞欲  
梯而上磨厓屨大書深刻紀月日休有成烈昭來茲

江上得家書

錦牋小字印銜雙細剔釵蟲映玉釭知否征夫此時夜冷

楓疎雨渡紅江

教兒識字會吟詩  
目障頭風病錮之  
與我生年合百八  
君何靜慧我勞癡

長齋繡佛生天業  
悍馬長矛名士魔  
著鐵襖襠帳中臥  
靜聽刁斗徹天河

走盡黔山到粵山  
一江如帶鎖間關  
西風萬帳思家夢  
更有何人不鬢斑

從征一百八十日  
強半宿戎帳中  
至舊州始得村舍  
而居越日病洩且劇  
作詩自嘲

茹茨環堵儼渠渠  
吾性寧安義幕居  
脫甲身纔歸皂馬  
鳴雷腹似轉輪車  
亟投薑桂方良峻  
牢把關庭瘴可祛  
朱鷺

曲中笳鼓競笑他隱語歎河魚

得二黔馬

黔山多露骨黔馬自豐筋雖非渥洼種要是烏蒙羣奔虬  
赴深壑匹練入層雲戰罷對鳴嘯赭白各成文  
短劍稱孱軀詩豪膽亦麤遭逢得雙駿氣概長千夫撒壘  
秋山禿鳴笳野戍孤障泥好樣製拂拭有猺奴

得彪兒蘇州書以父勞而子逸意不自安作詩勉之  
八千里外闔閭城每歎無田付汝耕努力種松還種竹勉  
思爲子與爲兄能乘下澤寧非福不到金華也自榮頌白  
老夫枕刀斗家書看罷月縱橫

聞鶴兒病

南海多瘴癘吾兒耽苦吟往往吐肝肺琅琅戛鏐琳未盡  
合古昔亦足豪當今人謂肖乃父小鳳噓竹林此言良諛  
耳重誣忸厥心惟念渠體瘠勞苦所不禁忽然邁熱疾頭  
重山岑崑誰爲誦七發流汗俾沾衾我老不能寐聞之輒  
涕淫亟囑和與緩快施灸與鍼驅風乃大藥所忌尤桂參  
庶幾霍然愈新詩出新音寄我馬上讀勝聽哀噉禽

送德都督還新州

對舊州而言

沿江列戍儼防秋都督旌麾擁上游六甲一州新戶口

被苗

蹂躪難戶

甫經安集亂山孤砦舊鋤耰士皆挾纊閑調馬

沿江列卡

防守俱係

粵西本

農不輸租競買牛千里劃溝自爲守西風笳鼓極

清迢

寓舍俯臨湍溪水石相搏晝夜喧聒

山如清靜身溪似廣長舌滔滔注紅江無生亦無滅書生  
卷甲還僦屋短牆缺欹茆倚碧斜冷竈呼炙熱繫馬枯樹  
根支床蟄蟻穴嵐濃曉迷濛瘴退夜寥泐溪聲戀我耳不  
肯俄頃輟要將肝肺前還把毛髮刷風水沙石間似汗還  
似潔逝將褰裳去一笑絕言說

得少甫都中書

兄弟更爲吏部郎

余於乾隆五十年爲吏部驗封員外郎兼文選司後十年而少甫亦爲是官亦

兼是司而余已久在領外今且從戎矣

爾吟藤解我戈牆觚稜極北九千里

鴈字賓南三兩行頌白豈堪侵瘴癘軟紅須自愛文章篋

今謹愿鸞兮

鳴篋伯鸞少甫子也

慧直退知應課子忙



舊州曉發至央牙宿

地屬安隆舊長官天文軫鬼辨殊難

泗城分野或言軫度或言鬼度其說不定

今朝乍喜真離瘴一宿無忘有授餐  
脚底亂山爭拱迓耳

中秋澗澗幽彈央牙未燬扁牙燹

本年四月黔苗渡江滋擾粵西百樂地方央牙

民人聞風驚竄幸賊即退去村得不燬若扁牙則燒無片瓦矣扁牙在西央牙在東

稍有噉鴻集渚

干央牙附近山溝尚有各處避難民苗搭寮居住未歸者

書泗城岑氏事

閱閱權輿皇祐春橫山礪峒控邊垠土田奄有附庸國冠

帶居然不貳臣大義擊儂還殺猛世官褒祿迺終宸

明岑繼祿

以功授泗城土知府國朝雍正五年岑映寰有罪革職遂改設流府

若敖鬼莫餒而歎裔

有書生敵愾人

本年苗匪滋事岑氏奉祀生員文淵文瀾兄弟召募黔省羅斛兵助官兵打仗頗

爲奮勇  
出力

自央牙至潞城山勢漸展水亦漸平土人云此地與  
舊州新州隔別世界言無瘴也舊州土諺云七月  
頭八月尾就不死也做鬼又云若要逃潞城跑作  
詩紀之

皇天愛人不擇施焉肯聚毒以毒之云何種種出惡癘乃  
在露降禾登時安隆舊壤枕紅水凡積空處山爲彌以米  
計之殆萬億其中虺蜮魍魎含沙吐霧伎倆足霹靂之  
斧難誅夷中其毒者類中蠱不食不語頭垂垂土人雞卜  
走召覘客子豎擾誰呼醫青春到此返白骨行道惻惻涕  
綆縻征苗之兵過一萬每戰必克希瘡痍而今死者十且

二大半都受秋瘴欺幕府出金卹妻子魂魄猶在顛與涯  
我行饒吹競惶聒西風捲旆馬載馳青山在後似追送既  
脫毒穴需何居潞城至止正亭午候吏相慶輿儻窺作詩  
爰告後來者寡睡少食勝黃岐

西林令張光曾饋雙魚

半年走遍粵西頭又上黔山復破州腹飽糗糧盤悍馬夢  
飛濠濮數輕儵饒歌唱入西林競 綍詔恩來 北闕稠

有旨令錄從征文武官員功優加議叙菜圃久無鱗介味急烹尺五胃腸羞

榮性堂集卷十六

吳縣吳俊曇繡

古今體詩

莊胥園方伯書來謂決意退休已令其如夫人戴氏  
至桐城賣屋構貲築室於蘇杭之間俟余回廣州  
欲痛談三日夜蓋將掉頭以去也作詩寄之

何處青山好結緣  
人垂老退無椽與君  
預訂梅花約短  
簿祠東小閣偏

羅浮蝴蝶翅如輪  
栩栩南華夢裏身  
誓欲移家先賣宅  
安

排雞犬鮑夫人

葛洪妻鮑氏靚之女也洪移家時妻孥雞犬同在一舟

帝咨方岳保釐艱  
功在三州十郡間  
滄海不波倉有粟  
此

人此地兩相關

待得旋軍君欲歸自謀得矣爲人非我如駝馬纔奔棧不到烽銷不脫鞬

羅里夜雨

數月臥戎帳忘却棟宇便方知巢窟民與造物周旋今夕宿羅里驛館纔三廬有壁劍可倚有牖月可穿簷風颯然入踈帷似微拳翻身就孤枕拚作放脚眠醒聞瓦溝響淅瀝細可憐燭闌殆見跋猶自熒煌然若在穹廬中旁漏下亦濺偉哉宮室制功在舟車前羗渾逐水草家室但裹氊中國昉其製非兵則舍旃我今甫脫甲蟣蝨生胝胼仰屋聽宵雨喜若創獲然人生境何定勞逸隨因緣魚鼈不在

藪麋鹿不在淵若與強囚鎖其天必不全奈何一人身所  
處輒變遷泥此判苦樂失劍笑鏃船作詩自嘲解似諧還  
似禪

葦花

西風瞥見葦翻花千里烝徒盡憶家儘有噉鴻旅中澤豈  
辭駸牡賦皇華似棉不冑村兒袴如雪偏催戍卒笳翠竹  
白沙烏艇子

白羅里以南有溪達百色其中小船如刀上  
下頗捷本年軍興用以協運糧米每艇可五

六石相將一片倚殘霞

唐興

去過唐興村來過唐興村去時過兵馬來時過兵馬去時  
弓箭插在腰村人捲室將盡逃來時饒鼓喧徹山草木亦

爲開笑顏屠黃牛釣白鯿一杯進冠軍一杯飲蒼頭橫山  
不是用兵地戶戶春耕秋納稅從此烽銷年穀登 皇帝  
太平萬萬歲

### 飯樂

千盤百折下凌雲飯樂應爲極樂村

自羅里至此俱係凌雲縣地山勢盤折登

頓甚疲將至飯樂則開豁平坦村屋鱗次

雞犬聲聞迴非邊地光景過此爲田州境水自北來隨壑

轉樹經冬茂爲嵐溫隻雙戍火嚴初堠

樂爲第一汛表裏

軍需扼此門

此次軍需奏明飯樂以西照口外之例辦理

今雪未霏攀昔柳大

夫勞矣莫銷魂

糧臺以牛馬濟運動夫力之不及也

牛馬風不及訓詁煩羣儒檻檻大車載駸駸四牡徂任重

與致遠二者不能俱今年征苗役十萬餼糧輸一舍一亭  
障百里徵千夫初令曰踐更往往瓜期逾逃亡更疾病十  
輒八九逋飛檄急追補大抵成空符羣議雇牛馬馭之如  
駝驢黔馬骨骼瘦滇牛蹄角麓馱牛出滇之廣南馬趨負且重馬一  
負米一石牛鈍謝不如牛負五斗鈍者轉若轂每兩日一運趨者邀於蕪  
每四日一運其權不我操操之執鞭奴頻頻視芻秣斤  
斤較兩銖日計馬得意月計牛有餘斯理戒貪躁可以黜  
近圖我行逐陵阪風吹鈴鐸喁彼牛殊自臍而馬良已瘠  
遲速效可睹流木法久無丁寧掾與史仔細銷軍需

回百色

秋征困黔雨冬邁迎滇風地是古剝色衢與六詔通山髡



戴赭土雲駁垂青虹孤城笳吹勁列市賓貨充千櫓下南  
海萬瓦乾西風昔去正炎酷今來看冷楓橘柚滿園圃牛  
羊散衡衡沙坳屈曲徇村口參差賦田州徭雜選邕管兵  
倥傯餽糧轉十萬烽火燒半空喜聽朱鷺曲應發畫鵠弓  
作詩寫驛壁明發揚舲東

題太平太守王莆塘受牧圖

家居鑑湖曲官在麗江頭尊顯二千石羈縻十六州隨身  
惟一硯行部有扁舟頻歲求芻牧長懷瘼職憂

虎有縱橫跡人艱曉暮炊由來多瘡瘍太息滿瘡痍祝彼  
牛羊脂憑君飲秣時散曹官六品早荷 聖明知 太守於  
乾隆五

十四年以候補州同隨福文襄王在鎮  
南關辦理安南納款事宜名達 宸聰

憶昔度崑崙蠻江象燧奔飛章馳闕下降表到關門幕

府文書急迂儒襍被尊

余與太守俱在福王幕中長夕相叙者三月

西州成一

慟荒草月黃昏

悼福王

五馬擁長髯諮民疾苦偏大山雄十萬

十萬大山在府屬土思州界中最

政報三年鄭美知嚴茂

所屬漢土州縣佐雜教職不下八十員一一鑒別識其尤者而薦諸

上官以故人才競奮

宣尼服乘田近言含遠指三復爾牛篇

月

如此清輝徹骨寒還兵歡喜戍兵歎

廣東征兵六千先撤回營其畱防各卡渡

者俱廣西本省兵

寥天退盡黃茅瘴放雁飛斜苦竹灘千里妖氛

空若掃一更幽籟細如彈冰輪自轉孤城角羸得征夫仔

細看

十月十一日百色開舟行十里卽止葢三日矣遲八

達將官文書未至也

此行酷似阻黃牛目斷軍書屢問郵一水孤明下那久萬

山叢翠擁田州

田州之西萬山橫亘

夜厖曉鵲江村開綠橘青橙野

市稠多少餘艘齊唱凱來時暑夏去霜秋

粵東回兵之船銜尾而下

夜坐

篷底無人可與言燭將見跋藁孤然違城十里猶聞鼓捉  
月三更漫刻船詩似山從寬處展夢隨江到盡頭圓年來  
自覺心旌倒只爲宵吟耿不眠

石龍

在百色東十餘里

石龍見尾不見首掉入江心作鎖鈕奔流到此觸復迴十

里驚湍拂岸走龍脊隆以袞龍腹洞而黜居然鱗爪出之  
而勢與船篙互攻掎江寒天濶烟月濛有聲如鉦亦如缶  
叩之不見更不聞惟有三星掛在齧

過陽萬土州判岑熙來謁

土官手版導迎恭地割橫山蕞爾封竹淨沙寒相映帶確

喧風急自撞春綢繆扉屢歌同澤征苗之役岑熙首募土  
勇赴軍營出力勞績願

著据拮茅絢戒禦冬功在思田嘉乃祖爾毋廢墮亢而宗

舟中雜書

晏嬰棄邶殿子家好澤車殃慶人自取高明鬼瞰諸夷齊  
與盜跖分在鷄鳴初萳萳則一爾毫釐千里餘仕宦慎幅  
利學者勤菑畲黃金滿籬燦不如吾秘書美人列屋笑不

如吾遽廬年華過五十白髮秋莖踈焉能以老拙而復逐  
巧狙扁舟下右江青山來起居輕儻俯可數去鳥翔何徐  
長腰攤白米蒜臘燒山諸食飽了無事放脚游華胥津吏  
見朱葢執版來趑趄一笑揮使去睡起吾方梳

田州鼎岑煜

爾祖來餘姚幕府辟從事藤峽破峒猺崑崙走儂智事定  
甄其勞授土使自治知州五品官世襲不論次溯歷宋元  
明苗裔而今泊爾父幼讀書慷慨識大義辨賊大鳴山孤  
軍樹一幟安南黎阮訶千卒自供饋血戰兵無援草裏屍  
還棄爾年纔十六編素捐觸璫所司議當襲衆口紛同異  
我隨節相來福文襄王觀汝綽有器舍長兄爲立賢弗戾春秋

志今年樂瓠擾 王師涉汝地 黽勉徵丁男 拮据辦饗餼  
役者力孔瘁 爾亦困鞭轡 及茲奏凱還 兵過不改肆 所當  
亟拊循 婦子予飽睡 一切罷雜徭 四境充露積 汝年未三  
十 無嗣而多嗜 不克葆厥躬 遑言凜在笥 荒哉婦與醇 慎  
戒以身試 吾言良已諄 汝且書紳記

題汪春田觀察幽砌蛩吟詩稿

由鎮安府知府  
推陞蒼梧道

弱冠作秋官 十年出典郡 郡在西粵 西蒼山 切天近礪峒

與麗江比鄰 若充郟鄏 甸地軸 翻摩盪天關 暈

天關山地  
軸山俱在

下雷

扶蘇儼日觀

扶蘇山在鎮安府  
東共巖可望日出

金鳥翥歛歛 一縣錯

五州流土疆 弗紊因其俗 治之比戶醉 春醞狼虎所必懲  
雀鼠置勿問 部有腰笏吏 政無犢轅債 太守清且閑 新詩

出不斲筭蕨充庖厨雲霞富披攜俸滿秩例遷衆耳寒令  
聞繡衣使者尊六條觀察分官美詩亦昌仕強業更奮要  
當洪鐘鳴謙托砌蛩韻吾今詩腸枯堵鹵不堪糞君粲狐  
白裘吾寒敝袍緼一語聊贈君健筆試扛運

曉行

何曾桑下戀浮屠一宿怱怱便自徂蠻霧塞江遷客况遠  
峯迎蓋曉寒圖役煩穀賤差堪慰睡美身閑不可孤急借  
新詩寫清景眼前林麓瞬將逋

焚鳳

月沒祥荆斗柄橫漁人篝火市人行崩沙急瀨聒鉦鼓殘  
柝荒雞催旌旌民有訟田防吏舞

民有赴船  
訟田者

廩無夫布仗

官清居然甥舅爲兄弟  
土田州土上林縣兄弟邦也知州岑煜爲知縣黃元植之舅俱在此

迎送執版船頭遑送迎

田州貢生岑鴻緒餽佛手橄欖分賦二首

無得斷攀緣云何尙有手謂是拈花來墮着人間垢斃椀  
貯兜羅信屈駢其拇若欲付八還佛死蓋已久

太宗雅納諫斌媚愛魏徵當其未回味喉吻鋒稜稜平生  
食棗蜜心口甜相磨感君贈此果青子筠筐承貪甘吾不  
敢耐苦謝未能

歸德土知州黃昌果化土知州趙承通來謁

兩人流年合百三

黃年六十六  
趙年六十五

白髮蕭疎似秋鷺空江斜

日刺舟來執版僂行防蹶仆奉嘗弗替乃祖祀恭敬無忘



維梓故

俱山東青州人其始祖於宋皇祐中隨狄武襄征儂智高有功授土職至今隸南寧府

歲中

祿薄僅療饑竟內丁稀不充募官雖清儉水自腴土不膏

肥民却附世間卿相迭榮枯甲第須臾變邱墓武襄往矣

沔靖遙苗裔而今在何處二老皆將七十人隨身章綬成

家具自其少壯迨其衰與俗相安混好惡西鄰昨夜虎攫

猥東舍今朝兒換袴要知纖悉問家翁偶出催科醉村酤

四圍圖畫足青山廿代風霜看宰樹龍鍾拜起是龔丞耳

龔鞠膾承筐獻生鶩

以雞鶩薪米來餽卻之

兩家兒子復成行姻婭

千年紛嫁娶

南太鎮三府土司世爲婚如

尋常無事入城府慎莫往逢

太守怒

署隆安縣知縣張

樹績

來謁

寒江抱郭碧云曲，陽隄篁正夕曛。山邑久安權令尹，郵

亭長揖短叅軍。

張軀幹甚短，以泗城府經歷署隆安縣知縣，前後已五年矣。

自言悉索

疲奔命，所喜機槍迅掃氛。嗟爾窮簷亦勞止，澤中鴻鴈夜號羣。

莊胥園方伯寄裘

鐵衣卷却賦無衣，征路何堪雨雪霏。忽有蒙茸照箱篋，頓令顧盼藉光輝。平生縞紵原無幾，世事炎涼益可欬。壓我

玉樓寒自辟。

道經玉樓，謂肩也。

戒途四牡正駢駢。

武緣江口遇順風

三朝三暮看黃牛，誰說江如建瓴瀉。

連日風逆水，舟行甚遲。

今朝風

利，旗脚翻兩岸。蒼山擲奔馬，人生馳騫蟻在磨。速固非真。

遲亦假可憐。蟻磨兩粘牢。疇歟跳出風輪者。竭來十日困  
曹騰打頭。五兩船鉦啞。晝看漁子羨空潭。夜伴噉鴻宿中  
野墨翟。何曾守突黔。浮屠那肯畱桑下。臥聞發發曉泠泠  
百里一炊真善也。武緣水下接三江。江上人家收穰。經黃  
茅岡轉。苦竹灘行。放秋山蕭照。寫掀蓬清快。得須臾亟喚  
青州注空竿。

三江口

左江溶漾來平。而右江滴泊。牂牁支如股。分張勢均敵。武  
緣之水復入之。千盤百折分。且滙赭岸對鎖青。玻璃鬱爲  
都會足形勝。文武各治其所治。邕州郭郭近。指顧越駱煙  
樹寒。迷離橫山礪。崗作藩衛日南交。趾歸羈縻此江浩瀚。

下南海灌以潯鬱兼梧灘經行中國二千里尾間偪仄厓

門危

水東注至廣東新會縣厓門入海

來源那復一一溯但見合處知其

歧嶺外諸水都內拱凡水所到山奔隨吐吞挹注了無跡  
信矣造物工施爲八年四載忙未到桑經鄴註譌滋疑不  
如蒿師與指點底用諸子紛言辭西風落日促冬暑枯蘆  
哀雁號荒陂逝將行役到桂管我自北去江東迤

過老口

在南寧府城西南七十里山陸路赴鎮南關必經乎此

八年前此駕驂駢上相臨邊羽檄飛鼓角三關平而水鎮南關  
鎖鑰林巒五象足烟霏重來依舊茆茨儉殘照低明畧約  
微幕府當時受降處伏波銅柱自崔巍

南寧贈同年邱芷房太守

相見驚呼鬢各霜當年登第兩兒郎忍拋天上金釐美食

酌人間古辣香

芷房由翰林出守古辣泉在橫州醪酒最佳

佳話竟須加九錫

芷房不能畜姬妾故以此戲之

多情特地餉頭綱

以龍井芽茶見貽

羨君行部飛

青蓋飽看孱顏十萬強

十萬大山在府屬上思州境州與太平府屬之土思州毗連

### 度崑崙關

山如怒馬競南奔松作驚濤故晝喧戰壘欲尋皇祐古叢  
祠猶貌伏波尊八年柳雪歌三度萬壑烟嵐擁一門旌旆  
影中笳鼓競今朝卷甲入崑崙

### 思隴驛

一路落松子千峰正夕陽村藏苦竹塢戍轉黃茅岡艾也  
藥狼藉洪兮峒在亡驛庭孤鐵樹葉健欲生鋸

遷江縣

黃牛灘與鷓鴣山客路清霜楓葉斑惆悵古來遷謫地幾人容易唱刀鐮

柳州謁柳祠未果

龍壁巉巉鷺子飛柳侯祠廟草迷離比鄰坏土劉司戶

劉黃

墓在府城西

舉世交情韓退之誤附佞文身遂陷欲爲伊旦獄

無辭文章刻露皇天忌萬古才人共此悲

廣西提督彭

承堯

今年征剿西隆逆苗有功凱旋之

日子隨總督吉公巡撫台公先還桂林彭則尙在舊州料理撤兵事宜別時方患痢症然未劇也今日余行至柳州知其次子朝玉在提督署中正欲

往視忽得營報云彭於此月二十二日扶病至百  
色不飲食而歿即日朝玉設位成服余隨督撫哭  
而奠之

今歲征苗役徵兵萬四千元戎先十乘薄伐不三年師武  
由臣力人和在志堅廣分左右拒陣欲鶴鷺幕自開嚴  
武刀還佩呂虔籌看成聚米餽豈待屯田蒼莽橫山路迷  
茫礪峒煙箐深朝射賊溪毒午飛鷲亞稿紛羹沸岩場足  
臭臙猓亭斯獲醜

龍登連爲  
猓獮保正

狽族必殲旃

黃柳爲狽  
子保正

旗寫

招降字囊盛恤口錢七旬遂來格六甲盡安便咫尺羅施  
國披猖洞洒仙維公務持重舉事戒輕儇紅水諏期渡黔  
山轉戰前冊亭收敗堞隴度響歸鞭爰有便蕃 賜真聽

競病還如何侵二豎無計起長眠大樹風雲慘和門烏雀  
偏一軍齊慟哭繫我更纏綿廋語防宵謀深機掘暗泉猥  
叨共帷幄相與枕戈鋌風定蚤弧卓巖高毳帳懸凱饒轟  
聒耳嵐翠濕堆肩師捷身隨死功多 賞必延大星韜五  
丈小別記初弦余以十月三日與公別於舊州楚些招魂曲銘旌下瀨船  
夔陵灰黯淡荆渚草芊餘弱子髦方髡朝玉年甫弱冠良朋淚暗  
濺今朝趨戟府無復鼓蕭蕭哭於提督署中

永福縣

赤礪黃茅嶺路欹抱城一曲縹風漪馬嘶已過蘭麻驛鳳

去空畱玉液池青葢飛翻新令尹署知縣張世浣到任纔二十日白雲供

養老禪師縣西登雲山有明覺祖師結庵焚戶稀土曠穠



偏重斯事還當媿有司

永福一縣山稠土瘠民猛  
稀少因處要衝頗繁於役

夜至桂林

亭午飯蘇橋黃昏到臨桂明星掛樓櫓候火走輿隸平生  
似賈胡所至每停憩九年三度來山川締密契達官屢更  
易吏治迭興替惟有獨秀峰亭亭自孤銳與我最有情殷  
勤隔牆睨舍館在獨秀峯下征馬暫解鞍賓鴻落清唳倒榻放脚  
眠林壑萬重麗夢中遇故人問訊輒成寢僮僕喚我醒開  
窓露珠細

欲游南薰亭未果

無限林巒烟靄中翠華杳杳舜祠空繞城水洗刀兵氣面  
野亭開解阜風當日披襟多伴侶者番行役太倥傯

余以乾隆

五十八年二月赴桂勾當  
公事與僚屬來游此亭  
邦人指我曾游處蕭寺霜鐘萬

葉紅

亭在虞山寺側

出東門度浮橋

鐵縷鎖浮梁下與奔湍戰水自靈渠來青瑤鋪片片北湘  
而南灘娟妙各自銜當年泛戈船檣櫓駛激箭滴汨下鬱

江千里逼一線桂州處上游埤堦控諸縣癸水城東環刀

兵永不見相城如相宅斯語質而善

俗云癸水繞東城永不見刀兵癸水卽離

也然歟不然歟似識亦似諺此地吾舊游四月瓜蔓洊雉

堞與浮圖蒼茫互隱現欲渡呼印須利涉小舸便

每年春夏離水

盛漲則徹梁用舟以利涉者

今來水歸壑梁成平若薦籃輿數去來清

波照我弁窈窕七星巖彷彿故人面

同聞方伯

嘉言

孫廉訪

玉庭

余觀察

有勲

汪觀察

爲

霖

陪制府吉公開府台公棲霞游讌

時將返廣州卽以留別西

省諸公

霹靂消氛沴旌旗壯凱鏡中丞周召虎太保漢嫖姚薄伐  
成功速聯歡選勝饒九疑通地肺一水跨虹橋桂樹凌冬  
茂仙韶傍月飄星羅青七點霞起赤孤標鐘磬招提古杉  
楠畧約遙碧虛亭游鹿子香積劖菘苗陰洞樞衣進華鐙  
秉燭燒羣公都碩彥高義薄煙霄地望天潢貴公樞機  
禁籟超台談兵神奕奕看劍漏迢迢座暖氍毹襯漿寒鑿  
落調珍羞傾陸海歌舞慊清宵籟遠笙竽奏颺輕薛荔搖  
銀河依竹閣珠斗挂松寮斯會期難得長筵靜不囂韜鈴

根道德膏澤被耕樵度澗含溟渤思精入繭蕉弗嫌樗與  
櫟待以客而僚雅量容孫楚虛懷服鄭僑平生喜馬槩詞  
賦接風颺宴罷聞征雁城巖蠹麗譙一旬初稅駕千里欲  
開橈難忘東南美相思曉暮潮崢嶸陪節度親切指魁杓  
陽朔嵐呈豔蒼梧霧拓綃揚舲爭鷁發擊鼓壓鼉驕二府  
俱知已微生願久要無窮繾綣意何以報英瑤

旅思

旅思不索寘簾櫳日夕佳諸公倒尺牘彼美獨秀對蕭齋

玉版泥封筍銀鱗甕釀鮭宜人好風景况有酒如淮

齒髮漸踈脫都緣瘴癘侵皇天憐薄祐勝地恣狂吟水齋  
霧綃縠巖椒霞碧金匣中有長劍賊血帶淋淋

反側三危種艱難百戰戡殺降千古戒徼賞此心慙詞賦  
丹楓老尊疊綠蟻酣朝朝趨幕府長揖似髯參  
借問從軍樂何如選勝游風湍金鎖縹林月角弓觥形勢  
看灘水桑麻足桂州戈船從此下想見漢旌旂

陽朔

鑑山頂上碧蓮峰菡萏參差面面容靈境若爲遷客貺好  
雲多與夕陽逢晴空墮橡狙公果削壁枯藤衲子筇不是  
荆關老畫手誰能斧劈貌玲瓏

平樂

樂水穿灘水昭州接桂州人家傍麋鹿城郭俯鳧鷖霜落  
蘼葭折煙寒橡栗秋朱轡二千石相送並方舟

知府恒慶  
擊舟來送

杜工部西山詩云轉粟上青天幼時誦之不知其工也頃征苗凱旋於桂江舟中閱試用知縣楊倫所注杜詩鏡銓復誦此詩因憶昨在黔省板階辛未册亨等處目覩役夫運糧登山偶一失足卽墮千仞崖崗心甚憫之而未有詩紀也少陵流落梓閬屬吐蕃俶擾蜀軍處處防秋轉運餼糧艱難殊甚此西山詩之所以作而五字曲盡險苦真古今一幅逼肖棧閣運糧圖而證以余之所見尤信其爲真諦矣爰追述之

萬兵日食米百石每石四夫肩頰劬

人負二斗五升遇崖壁陡絕處猶苦不勝

甲鎧鍋帳藥鉛礮百兵又需六十夫一夫升米累而計千

石僅足五日儲平原轉戰何足道輜重絡繹坦長驅所苦  
青山切天上鳥道一綫旁趨無躋則入雲顛墜谷膏血點  
點塗榛蕪將軍號令如火急帳下度語庚癸呼俯見溝底  
小旗出每運糧一起押運者執小旗前行千百蟲蟻行蠕蠕知是江內運  
糧至合軍洗釜顏懽愉竭夫之力鼓兵腹兵飽夫已白骨  
枯古今情事類如一黔山不與蜀道殊我無杜陵驚人句  
哀此役夫長感吁天寒賊退米垓積將軍馬上彎天弧歸  
來笳鼓競襍還好事爭繪征苗圖與其繪此征苗圖盍不  
收取役夫之骨還彼父母與妻孥

昭平

縣苦民如獠村荒霧似埃山從臨賀折江自伏波開闢道

多逋賦

知縣王千驥來謁云民間逋賦甚多亟謀催科之法

將毋闕吏才春陵元刺

史三歎有餘哀

梧州見王太守

友蓮

臨桂南行八百里蒼山競與碧江奔灘來入鬱旁穿脇火

自銜珠徹照昏太守多情節優孟

為水閣江干演劇以迎

行厨差喜

有燔豚

饌余燔豚蒸飽

繫龍洲上模糊樹落日江光互吐吞

白雲山禱雨

泱泱扶胥脚底橫林端初日挂銅鉦山因近郭無蛇虎泉

為依禪奏磬笙呼籲化工慳可破庶幾量吏政能平舨舨

萬棹笳聲競

時粵東征苗官兵俱已回營

應有滂沱與洗兵

望蒲澗寺



短樹似新麥古刹如踈寮鐘聲已咫尺沙路仍迢遙風陪

尙書履言采菖蒲苗

上年四月隨大司馬朱石君先生來游於此

茲晨殊寂寞

曠望隔山椒

冲虛觀和鶴兒韻

冲明祛濁穢虛寂遠囂紛僊蹟不可見爐灰猶自薰藥苗  
榮古觀禽羽落層雲風雨離還合吻吻聽鹿羣

聞鴈和鶴兒韻

有弟在京國音書不易聞長鳴一聲鴈落日萬重雲

戊午春帖子和鶴兒韻

扶桑若木暗回春元日韶開六日辛

初六日辛未

四海盡銷兵

甲氣五羊看醉太平人

兒童諱守歲要待日輪升暖閣微風隔春簾不翦燈

憶昨

憶昨安隆役師行六月中火雲燒赤礪黑雨貫青虹面縛  
降苗泣枚銜閒道攻思維止戈武不殺是膚功

兵未銷秦蜀妖氛轉益多孤鳴無定所豕突竟誰何切責  
宸謨屢遷延捷奏訛 國家非吝賞將以待番番

彪兒自蘇寄建蘭二盆立秋後盛發數十莖賦之

濛濛建溪烟漠漠吳苑雨植以陽羨薨培以烏目土

吾鄉  
莪蘭

多用宜興磁缸取土則  
以常熟虞山者爲佳

迢迢遠寄將根葉耐羈旅俄欣對

騷人還似蓄處女濃綠擢素英幽靚轉媚嫵秋暘炙簾櫳  
宵露被砌礎滿院無名花醜豈堪伴侶相看兩無言渾忘

賓與主鼻觀微聞香新詩琢肝腑

題莊胥園方伯小照用東坡先生游孤山訪惠勤惠

思二僧韻

雲閣嶺春滿湖春人春柳無處無錢唐門外保叔塔招招  
舟子沙頭呼孤山處士鶴是孥三竺僧侶相嬉娛我昔曾  
到今夢寐一別雲壑空鬱紆人生何處非蘧廬百年擾擾  
萬事孤胥園老人七十二飽食九節青菖蒲有田不歸非  
丈夫長繩難繫赤日晡功名六詔更百粵買山急繪移家  
圖小鳳毛羽豐有餘蝶耶周耶等夢蘧催詩迫酷如迫逋  
清景倉猝疇能摹

少甫典試桂林賦詩寄之

韜軒校士子殊忙

少甫屢典湖南河  
南四川等省鄉試

馬槩從戎我亦強憶

昨削平礪峒賊歸來飽看桂林霜

余以去年十月初二日  
由舊州軍營起身回至

桂遶城癸水靈渠注罩寺霞光貝葉香兄弟後先行役至

好山輸與藥籠裘

楚豫三川奉作師軺車又傍碧湘湄月明獨秀煎茶夜菊  
燦重陽放榜時桂海虞衡供攜拾邕容人物足魁竒求材  
何地無楨榦繩墨全憑匠者施

七夕用舊歲在西隆州韻

暮雲罅處漏星輝去歲征人遲未歸兒女燒香此時夜坐  
看河漢濕秋衣

迢迢笙鶴駕空來海碧天青靜不飛新月自銜楊僕壘秋

聲都傍尉作臺

七月初九夜雨

浙瀝鳴三更淋浪竟達曉諺云七月金

七月金八月銀  
粵諺謂雨也

難

得實可寶晴陽炙秋旻圻岸收積潦新穀雖已登晚稻秀  
尙早連檣屯米艘價湧驟不倒天公最多情一雨洗熱惱  
市中駟僮歎隴上老農禱濕雲布濛濛長霽出杲杲我職  
筦程秭豐歉常在抱欲去姑遲留非是戀棧阜

月用舊歲舊州韻

燒香待新月磨盾賦同袍情事轉圓轂秋風掠剪刀佛桑

含露重笏竹拂簷鬣何處關山笛蒼涼起隴洮

聞川峽賦  
匪窠人甘

省兩  
當縣

月下聽林明齋彈琴

欲練余心浸太清，七條絃上指分明。  
最宜新月初，弦夜細寫羣鴻出塞情。  
漠北衡陽總羈旅，暮笳曉角極崢嶸。  
篆煙不斷簾還捲，奏罷一更河漢橫。

彈塞上鴻曲

秋旱

南風十日尉佗城，菓已全收稻未成。  
魃虐敢張流火節，龍僊莫慰望霓情。  
踈帷廣簾宵猶汗，曲沼方塘午似烹。  
叱馭樓前三尺雨，聞南雄已得大雨可能千里潤縱橫。

喜雨

黑雲從北來，霹靂破空喝。  
曦鳥遂西墮，瀛鱗乃東跋。  
霏霧一尺霖，洋溢萬畦活。  
歡聲發闐闐，涼意到簾闔。  
綠知囚畢

方定已礫老魁月來米價騰厥勢不可遏  
馭僧因爲好居  
奇更巧奪高原炙如焚下澤縮已渴誰能挽  
滄波將此枯  
苗潑大哉造化功俄頃浸深濶詰朝越秀山  
簫鼓賽菩薩  
晨霧蒙綃紗遠靄曳韎鞮肥怒競鳴蟬啞靜  
不聒對此  
景物佳破我胸抱鬢髮踈便導簪體快宜締葛  
翻憐荷鋤  
人叱犂披襖襪

丹崖負日弱足難躋赤岸暨天昏眸莫矚舉龍文之鼎盃  
說斯裕彎鵲血之弓由基庶巧挾藻吐韻厥類於斯大雅  
旣歇繁音代奏風會所臻體製備矣機杼流傳爭裂錦繡  
江河泛溢競鼓波濤假非振奇曷克自立然而劍吐鯨擲  
或駭於山林雷震雲濃莫施於廊廟雖稱破壁終嫌躍冶  
未能握紐詎足扶輪至乃雌聲元子恨似司空瘦骨長江  
譏儕東野斯又蟲號蟬噪狐穴貉邱者乎才匱非大體弱  
非精不欲囊中之處終爲籬下之寄所貴母元氣祖葩經  
庶幾曹劉墻峻無慙入室李杜壇高可容樹幟否則鮑老  
登場孟陽入市鮮有不笑且唾者也曇繡先生雲生岱嶽  
日浴咸池著作充棟詩歌獨步傳延州之雅樂掃江左之



餘風縱橫海內照耀天下阮生咏懷之章謝公紀遊之什  
白傅采風之製王粲從軍之作沉博精麗獨憑天構魁壘  
煜爚胥納正軌求之曩古雖笙磬同韻而球圖異觀良非  
力敵鬥虎氣攝馴象枕胙羣籍佃漁百氏弗抵斯境所謂  
揚子雲文之烏獲左太冲賦之張衡者歟夫蠶叢旣闢力  
士歛手龍門已鑿神禹遵塗而復峙蓬萊以立崇山源星  
宿以成巨浸豈非乾坤清厚之氣獨鍾而獨受宇宙巨偉  
之觀愈出而愈奇乎哉譜衡廬臙塊章貢細流飲少陵之  
詩肝腸未易念賈島之佛文字無靈野鶴孤鳴鳳皇羞侶  
低鶩四適騏驥懶顧車前一拜欣愜平生扇底數言頓增  
聲價然而不讀五千卷難登岐叔之門非負八斗才敢踐

陳思之席是知獎訓無倦林宗之盛節容接有光慈明之榮遇也示茲宏集命綴小言尼山作史寧容贊於卜商漆園著經匪待注於郭象管蠡何當雲漢自昭六丁未攝允爲席上之寶四海盛傳難作帳中之秘受業臨川樂宮譜謹跋